

www.BibleForChildren.org

Mateu 26



Aba kuna
kusiayala
amaywaa atanu
ni kamweya nji
Epaseka itendiwe,
Jesu sebeli wiiya ku
Beteni, omo ana
kwikala Lazalo woyo
ona kwingulwa kwaafu.



Maliya
sebeli oshimba
amaati no sende
awo ali elicika mu
katele, mane ni
kuwaa amakondo a
Jesu. Mi sebeli
watundisa ni tiñuki
taye. Mi endoo yonje
mane sebeli iiyala ni
mumwee no maati.



Cwale Judasi Isakalyota omunjili no aiyetwa aye no kukwana elikumi na yiili (12), sebeli ota kwa kulu no apulisita nji abeteke Jesu kwa onyene. Mi cwale abana kuyupa eyo sebeli awabelelwa onene ni kumusepisa okumuba amali. Cwale Judasi sebeli osaela omukwa no kubeteka Jesu.




Cwale aiyetwa aye sebeli atenda omo na kwaambelela Jesu oku lukisa omulalelo no mukiti no paseka. Cwale abo alemine okulya ngeeso, Jesu sebeli oshimba esinkwa, mi munyima no okutumela, sebeli osi patola, nikuba aiyetwa aye, sebeli wamba nji, "Mu shimbe mi mulye, "Olu ni lutu lwange."



Cwale sebeli oshimba ekomoki
nuuku tumela, ni kwaaba ni
kwamba nji, "Mu nwemo moonje,"
"Kakuli ou ni unyinga wange no
ulikani ona itekele ano kupula,
mulibaka no kulemeniwa eibi."



“Simoni, Simon! Komone! Satani nai saele nji amyuuluse kanyi uloto. Kono kame nina milapelele nji etumelo yenu ilese kubwa. Mi cwale abasa mwiye kwa mene mongote abeenu. Cwale Pitolosi sebeli wamba kwa onyene nji, “Mbumu, kame nikutukisite okuta nowe mu tolongo mane ni ku lifu.” Cwale Jesu sebeli wamba nji, “Kame ni kwambela Pitolosi nji omukombwe kautamba kukuwa balelo lino mbu nikana twaatu.”



Cwale Jesu sebeli ota noo ku sibaka siisaniwa Gesemani, mi sebeli wambela aiyetwa aye nji, "Mwikale bano, mene abani sita kuya oka lapela." Cwale Jesu sebeli olapela nji, "Abba," Okutalusa nji, "Sitange! Einu yonje kame itwesahala kwa wene, otundise ekomoki eyi kwa mene, kulese kutendiwa esi singwa kwa mene, kono esi osinga wene."




Cwale Judasi sebeli oshimba esikwata no Masole ni tinumwana eti titunda kwa pulisita akulu nafalisi, sebeli ata mu litema ni tilambi ni mamonyi, mane neyi no kulwisa. Cwale omunjili mwa onyene sebeli oyaa omubika no mupulisita omukulu niku mupatula elitwi lyaye no silyo. Kono Jesu sebeli wamba nji, "Kulese kame okutendahala ngeesi! Cwale sebeli olema elitwi lyaye ni ku mubalisa."



Cwale sebeli anunga Jesu ni kumutwala mu ndoo no mupulisita omukulu. Pitolosi yo mukoña munyima abano kuleba. Cwale abana mana okutumbula omulilo mu lilapa no kuta ni kwikala banji bamweya, Pititolosi sebeli oikala mukaci koo.



Omunjili kwabika no
mupulisita omukulu,
omwabaye woyo ona
ku patuliwa elitwi kwa
Pitolosi, sebeli
omwibanguta nji,
“Kanisi ku kumona ni
yonyene mu litema?”
Pitolosi sebeli okana
kame mi ababo,
omukombwe sebeli
olila. Cwale sebeli
ota kundee nu kalila
onene.



Cwale esikwata sonje sebeli
siimana ni kutwala Jesu kwa Pilato.
Cwale Pilato sebeli omwibanguta
nji, "Kana ya wene Ombumu no
Majuda? Cwale Jesu
sebeli otambula nji,
"Nwaamba." Pilato sebeli
wamba noo kame,
mukusinga nji alukulule
Jesu. Kono sebeli akuweleza

onene nji, "Angongoteliwe!
Angongoteliwe!"



Cwale Pilato sebeli waaba Jesu
nji angongoteliwe ba sifapano.
Mi sebeli ashimba Jesu, ni kuta
naye. Cwale sebeli ashimba
Jesu ni kushimbisa esifapano
saye nikuta ku sibaka siisaniwa
nji Katendele, eso siisaniwa nji
Gologota mu Sihebelu.




Abo sebeli amu ngongotela ba sifapano,
nanjili ayiili, omunjili kweeli elineku,
omunjili kweeli elineku, Jesu yoli
mukaci koo.



Kame ina ku kwana enako no munji mi ouwi sebeli ufuka enaha yonje mane konji okakeela ba hola no utanu ni tune (9) mi eliywaa sebeli liilola, cwale olwambi luna ku tulekiwangwa mu keleke sebeli lukauka bakaci.

Cwale Jesu abana mana okulila ni mulumo munene sebeli wamba nji, "Tate mu maoko owe mwa nibeeka emebo yange!" Cwale abana mana okwamba eyo, sebeli ooyela aka no mamananeno.



Josefa no Alimateya omunjili
no Kuta no Majuda, woyo neli
omunjili wawo ana
kutatelelanga okwiiya no
mubuso wa Nyambe,
mu undume sebeli
ota kwa Pilato
okamu kumbela
olutu Iwa Jesu.

Cwale Josefa sebeli
oula olwambi, niku
pungelamo Jesu niku
mubeeka mu libita no
liwee no kuchakuliwa.




Sebeli opindumunenabo eliwee ba
mwelo no libita, Maliya
Magdalena ni Maliya
inawaye Jose kame ana
kumona omo ana kumu
langeka Jesu.



Eliywaa lina kutatama elino Sabata,
apulisita akulu na Falisi sebeli aka
kuwanena kwa Pilato
sebeli amba nji, "Mbumu,
tu si puluka nji omoongi
woyo yo si yoya, kame
ana kwamba nji,
'Munyima no
maywaa aatu,
mba ni



inguka kame."



"Sebeli ata na tateleli nu
kabeeka esisupo ba liwee
no ba libita nji cwale
kakwisa omunu sotwesa
okuli sheeta."



Munyima no liywaa no Sabata,
elino matatekelo mu sunda
amasikusiku aba lina kupa,
Maliya Magadalena ni
Maliya munjili, sebeli
ata muku mona ku
libita. Ababo sebeli
kwikala ezikinyeho
inene luli, kakuli
elingeloi
no

Mbumu na likutunda
kuwilu ni kwiiya
muku pikulusa
eliwee ba libita, ni
kwikala ba liwee.



Atateleli sebeli acila ni kukuña,
mi sebeli amonahala kanyi
omunu no kufa mulibaka no
kumona elingeloi.



Elingeloi sebeli lyamba kwakati nji,
"Mulese kucila," "Kame ni limukile
nji kame musaela Jesu onaku
ngongotelwa ba sifapano.


Ka sako kuno, kakuli
Nyambe na mwingula
kwaafu, kanyi omu
ana kwambela
Jesu. Ko mwiye
mumone

mu sibaka ana ku
langana."



Cwale sebeli atunda muwangu ku libita acilile ni kuwabelwa onene, sebeli aituka nu kambela aiyetwa aye. Cwale aba ana taanga mukwambela aiyetwa aye, Jesu sebeli okuwana noo ni kwa keeta mi sebeli aiya kwa yonyene, ni kumulema ku makondo ni kumulapela.





Cwale okutunda abo Jesu sebeli okumonahaza kwa iyetwa likumi ni mumweya (11), aali ba tafule alemine okulya, sebeli waanyaza mu kuulwa okupumena koo, ni ku micima yoo no koongola, kakuli kasi kupumena kwaawo ana kumumona munyima no kwinguka kwaafu. Cwale Jesu aba na kumana okwamba noo, sebeli oshimbelwa ku wilu, ni ku kekala ku lyooko no silyo Iya Nyambe.



Kakuli Nyambe kame ana singi onene
elitunga, mane kame ana libi
Mwanaye no libanda, nji omunu yonje
woyo opumena mwa yonyene alese
okufa kono aikale ni mooyo no
kwaabwa.



Maloma 3:23 Kakuli onje kame ana tende esibi mi kame ana kauhelwe ku kanya ya Nyambe.

Maloma 6:23 Kakuli omupuzo no sibi nikufa, kono empo no sishemo sa Nyambe nikuyoya nokwabwa mulibaka lya Jesu Kilesite Ombumu weetu.

Mahebelu 9:27 Cwale kanyi aba kuna laelwe nji aanu onje kame safe kamweya, munyima okubinda sa kwiiye ekatulo.

Maefese 2:8,9 Kakuli mulibaka no sishemo namu yoyisiwa mulibaka no tumelo, mi kasa mulibaka no misebezi yenu mwenyene, eyi nimpo itunda kwa Nyambe. Kasa mulibaka no misebezi yenu, nji cwale omunu yonje akuyeeme.



Maloma 10:9,10 Kakuli nji kame wamba ni kanwa kowe nji,
Jesu ni Mbumu niku pumena mu mucima wowe nji
Nyambe naku mwingula kwaafu, mbuyoisiwa.
Kakuli omunu kame apumena ni mucima waye nji
abeekiwe uyu no kuluka, mi kame apaka ni
kanwa nji ayoisiwe.

Jowani 3:16,17 Kakuli Nyambe kame ana singi onene
elitunga, mane kame ana libi Mwanaye no libanda, nji
omunu yonje woyo opumena mwa yonyene alese okufa
kono aikale ni mooyo no kwaabwa. Kakuli Nyambe kasiku
tuma Mwanaye mu litunga nji atule elitunga, kono neli nji
elitunga liyoyisiwe mwa yonyene.



1 Jowani 5:11-13 Mi oupaki uno okame, Nyambe kame ana tubi omoyo no kwaabwa, mi omoyo owo, kame oli mwa mwanaye. Woyo oli ni mwana kame ali ni moyo, mi woyo wa kwite Omwana Nyambe ka kwite omoyo. Kame ni mi ñolela eyambo eti aanyi mu pumena mu litina Iya Mwanaa Nyambe nji mu limuke nji kame muli ni moyo no kwaabwa.



Mateu 26-28; Luka 22-24; Jowani 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Luyana NT (lyn) TWFTW

<https://www.bible.com/bible/4077/MAT.1.LYN>

©2026 Bible for Children, Inc.

www.M1914.org

www.bibleforchildren.org

